





1772,5 ²⁴
48
FACULTATIS IURIDICAE

DECANVS

HIERONYM. FRIDER.
SCHORCH, ICTVS,

SACRI PALATHI CAESAREI COMES, EMINENTISSIMI AC
CELSISSIMI PRINCIPIS ELECTORIS MOGVNTINI CONSILIARIVS REGIMI-
NIS, MEMORATAE FACVLTATIS ADSESSOR SENIOR ET H. T. DECANVS,
DECRETAL. PROF. P. ORDIN. CIVITATIS ERFORDIENSIS CONSVL PRI-
MARIVS, NEC NON ACADÉMIAE ELECTORAL. MOGVNTINAE
SCIENTIARVM VTILIVM PRAESES.

LECTORI BENEVOLO

S. P. D.

andonebis simplex confemi debeat?



ERFORD. LITT. NONNIAN. ACAD. A. TYP.

48

FACULTATIS IURIDICAE

DECANVS

HIERONYM. FRIDER.


SCHORCH, ICTVS

SALVI PALATI CAESARI COMIT. ELECTORIS AC
EPISCOPI PRINCIPIS ELECTORIS MOGUNTINAE
SIG. METACALAE FACULTATIS IURIS SENIOR ET H. DECANVS
PRAESIDI QVOD IN ORDIN. CIVITATIS ERPHORDENSIS CAESAR. PAL.
MAGIS. REG. NON ACADEMIE ELECTORAL. MOGUNTINAE
SCIENTIAM IURIVM PRAESIT.

LECTORI HENRYGO

d. e. d.

an omnia in pte conferri debeat?



ERFORD. MTT. NONNIAN. ACAD. A. 1721.





Liberos parentibus succedentes ea, quae ab his viuis acceperunt, in hereditatis diuisione conferre debere, aequissimum & iuri Naturali maxime consentaneum est. Cum enim aequaliter a parentibus sanguinem trahant, hique aequali illos amore complecti praesumatur, merito etiam in successione sibi inuicem exaequandi sunt. Quamuis vero hoc in se omni dubio carere videatur; nonnunquam tamen non adeo expeditum est, quibus heredibus collationis necessitas incumbat, & quatenam res collationi subiectae sint. De descendentiis, qui soli collationis onere grauantur, non ascendentes, nec collaterales, generaliter disposuit Imp. IVSTINIANVS in Nouell. 18, c. 6. vt collatio & inde aequalitas locum habere debeat, siue quispiam intestatus, siue testatus moriatur; nec interest, vtrum liberi in primo, an vltiori gradu constituti sint, cum & nepotes ea, quae ipsi vel eorum parentes demortui acceperunt, contribuere teneantur. l. 7. D. de Collat. l. 17. & 19. C. eod. Quod si vero nepos patris sui heres esse nolit, & ad avi solum hereditatem admitti cupiat, quod ipsi non quidem iure Ciuili, bene tamen Praetorio, permissum est, v. FACHIN. *Controvers.* L. 6, c. 66. quaeritur, an in hoc quoque casu nepos ea, quae ex bonis avi ad patrem eius defunctum

peruenerunt, in communem hereditatem inferre obstrictus sit? Negatiuam tenet STRYK, *de Success. ab intest.* Dissert. XI. c. 2. §. 15. adfirmatiuam uero prolixè non minus quam solide propugnat L. B. a WERNHER, T. II. P. 6. Obs. 499. & 500. ibique in *Additam.* & *subiunct.* Respons. nec non KRESS, in *Dissert. de Nepote ea, quae Parens accepit, in Vniuersum conferente.* c. 2. §. 99. & MODEST. PISTOR, Vol. II. Conf. 23. Nec minus de rebus, Licet enim certum sit, quod liberis, qui dotem, donationem propter nuptias, aut subsidium paternum vel maternum a parentibus acceperunt, collatio harum rerum iniungi queat, de donatione tamen simplicè, citra eiusmodi causam ex mera liberalitate facta, nou vna est Dd. sententia, num ea collationi quoque subiaceat. Qui negant, ad l. 20. §. 1. in f. C. de Collat. prouocant, ubi expresse habetur, quod simplex donatio non aliter conferatur, nisi huiusmodi legem donator tempore donationis suae indulgentiae imposuerit, nec non ad l. 18. pr. C. famil. ercisc. in qua saepe rescriptum esse dicitur *filiae, cuius nomine pater res comparauit, si non postea contrarium eius iudicium probetur, per arbitrum diuidendae hereditatis praecipuas adiudicari.* Quod sicut optima ratione nititur, siquidem pater vel mater, si vni ex liberis simpliciter aliquid donent, id ea intentione fecisse creduntur, ut is illud praecipuum habeat, eoque fauoris & liberalitatis effectum praeter caeteris gaudeat. L. B. a WERNHER, T. I. P. I. Obs. 317. n. 17. ita hanc sententiam ueriores & in praxi receptam dicit SCHWEDER, in *Collect. noua Consl. Tubing.* Vol. I. Conf. 131. n. 22. Dissentiunt alii & inter hos LEYSER, in *Medit. ad π. Spec.* 410. med. l. SCHILTER, *Exerc. ad π.* 41. §. 17. STRYK *de Success. ab intest.* Diss. XI. c. 4. §. 13. §. 99. moti cum primis l. 13. C. de Collat. ubi cauetur, quod filiafamilias, si a patre fundus donatus est, si cum sorore patri communi succedat, eum praecipuum habere contra iura postulet. Quem textum, ut cum legibus antea allegatis conciliant, quidam de fundo intelligunt non eo animo donato, ut filiae sit, cui donatus, sed ut ei sit quasi in peculio, qualem donatio-

nem conferendam esse nemo ambigit, v. GIPHAN. *in d. l. 13. p. 27.*
 Alii legem hanc ad causam intestati, *l. 18. C. famil. ercisc.* vero ad causam
 testati referunt cum CUIACIO *L. 3. Obs. 30. & L. 9. Obs. 17. circa*
fin. quae conciliandi ratio displicet HYBERO *in Praelect. ad π. Tit. de*
Collat. §. 4. existimanti, distinguendum potius esse, utrum donatio fa-
 cta sit liberis in patria potestate constitutis, san iis, qui a potestate
 patria liberati sunt, ita, ut illi donationem conferre cogantur, non ve-
 ro hi. Hodie sane, quicquid de *l. 13.* sit statuendum, donatio sim-
 plex extra collationem posita est, exceptis casibus *in d. l. pen. §. 1. ex-*
pressis, quae in aliis casibus non conferri donationem supponit, aduer-
 tentē HYBERO *c. l. in f. add. LAVTERBACH. Colleg. Theor. Pract. L. 37. Tit.*
6. §. 17. ubi hanc sententiam in praxi receptam esse testatur. Verum
 haec laus in praesentia persequi non vacat. Copiosius tamen de hoc
 argumento occasione *l. 18. C. famil. ercisc.* quam in Lectione, quam
 vocant, Curforia enotare constituit, e Cathedra differet

NOBILISSIMVS ATQVE CLARISSIMVS

DOMINVS

FRIDERICVS HENRICVS SATOR,

L. V. CANDIDATVS MERITISSIMVS,

cuius natales, vita adhuc laudabiliter acta & studiorum cursus, more
 recepto, & quidem verbis ipsius Domini Candidati sequentibus breuiter
 commemoranda sunt.

Hanc lucem primum adspexi Asciburgi anno 1748. a patre usus sum
 MICHAELE SATOR, Venatorum praefecto, matre vero ROSINA e gente

X 3

BER-



BERNINGER, quae vero praematura morte anno 1750. mihi crepta fuit. Pater, ut erat salutis meae pronidus, educationis meae curam cui ipse muneris publici causa, quod gerebat, vacare non poterat, fideissimo, duci auunculo meo, qui Altbemii sacrorum antistitis officio fungebatur, contredidit, cuius pietas, humanitas, atque in me erudiendo & ad virtutem bonosque mores formando collocata industria iam insignis exstitit, ut eius memoriam tanquam alterius mei parentis, semper gratissima mente colendam esse sentiam. Huius itaque ductu humanitatis principis imbutus atque idoneus sum redditus, cui nunc Gymnasium in patria florens adire liceret. In eo 7. annos exercitatus & ad Academica studia rite dimissus Moguntiam me contuli, nomenque inter ciues Academicos professus, ex ore Illustr. ac Consultiss. WILL, Antecessoris iuris ord. ac Celsiss. Princ. Elect. a Consiliis, iudicii aulici, fundamenta iuris naturae & institutionum, ut & Pandectarum hausi. Alias iurisprudentiae partes, nempe ius Canon. Reuerendissimus D. BEHLEN, Eminentissimi Archiepiscopi ac Principis Electoris nostri suffraganeus atque official. & a Consiliis sanctioribus, ius Cambiale Consultissimus FISCHERVS, I. V. D. & P. P. E. Celsiss. Elect. a Consil. Iud. aul. historiam autem Imperii Celeberrimus DVRR, I. V. D. iur. publ. & histor. P. P. O. Eminentissimi Electoris a consiliis aulicis, mihi perquam solide tradiderunt. Hoc stadium emensus famaue resflescentis Emeritanae allectus Erfordiam adii anno 1770. mense Iunio ibique celeberrimorum Virorum Lectioibus magna cum fruge interfui. Illustris. WIELAND, P. P. O. Celsiss. Elect. a Consiliis Regiminis, historiam humanae naturae, Celeberr. RIEDEL, iam Consiliarius Caesareus, philosophiam moralem, Clariss. LOSSIUS, P. P. O. Logicam, Clariss. HADELICH, P. P. O. Senat. Consul, solum Elegantiore, Consultiss. HOMMEL, I. V. D. & P. P. O.

ius publicum, Magnificus TVRIN, h. t. Academiae Rector, I. V. D. & P. P. O. Facult. Iurid. Adfessor, Boineburg. Biblioth. Director, ius Pandectarum, ius publicum & praxin, Illustr. HENNE, Elect. Consil. Regim. I. V. D. & P. P. O. Facult. Iurid. vi & Iudicii provincialis Adfessor, ius feudale, Illustr. SCHORCH, Elect. Consil. Regim. I. V. D. & P. P. O. Facult. Iurid. Ordinarius, Ciuitat. Consul, Academiae Electoralis scient. vtil. praefes, ius Canonicum, Consultiff. WEISMANTEL, I. V. D. & P. P. O. ius Criminale, demum praenob. RYMPEL, I. V. D. & P. P. O. ius Germanicum & examinatorium collegium, mihi aperuerunt & explicauerunt; Quum igitur nunc de reditu in patriam & de iis, quae didici, ad ipsam praxin deducendis cogitem, ab illustri Facultate Iuridica, ut mihi amplioem huius Consilii exequendi panderet occasionem, meque ad dignitates Academicas admitteret, modeste petii, & impetraui.

Per autem libenter ordo noster precibus Dn. Candidati annuit, Eisdemque binos ex utroque Iure textus resoluendos transmissit, quos scite enucleauit, atque in ipso Examine Rigoroso ad quaestiones propositas tam promte respondit, ut per concordia vota dignus iudicatus fuerit, qui ad reliqua specimina inauguralia admittatur, & petitis honoribus exornetur. Itaque crastino die Lunae lectionem cursoriam ad l. 18. C. famil. erisif. eaque absoluta Dissertationem Inauguralem



DE

PIGNORVM PRAEROGATIVA GENERATIM ET
SPECIATIM DE PIGNORE PVBLICO, PIGNORI LE-
GALI NON INDISTINCTE ANTEPONENDO

habebit. Quos actus vt Magnificus Vniuersitatis nostrae Rector,
Per-Illustres Barones, nec non Venerandi Academiae Proceres ac Nobil-
lissimi Ciues praesentia sua splendiores reddere non dedignentur, per-
quam officiose & humaniter rogantur. Publ. sub sigillo Facult. d. IX.
August. A. O. R. MDCCLXXII.

(L.S.)

Erfurt, Diss., 1770-73



f
Sb.

1018





1772,5

48²⁴

FACULTATIS IURIDICAE

DECANVS

HIERONYM. FRIDER.

SCHORCH, ICTVS,

SACRI PALATII CAESAREI COMES, EMINENTISSIMI AC
CELSISSIMI PRINCIPIS ELECTORIS MOGVNTINI CONSILIARIVS REGIMI-
NIS, MEMORATAE FACVLTATIS ADSESSOR SENIOR ET H. T. DECANVS
DECRETAL. PROF. P. ORDIN. CIV
MARIVS, NEC NON ACADEMI
SCIENTIARVM

LECTORI

s.

andonatio Simplex



ERFORD. LITT. N

